

primendas piraticas Saxonum deprædationes collocarunt. Cum omnia Danicis bellis fracta, & debilitata, eorum etiam direptioni *Hantona* *vetus* anno Domini D C C C C L X X X relicta fuit, & Guilielmi illius Primi temporibus, ut ex ejus libro loquar, habuit Rex in eo tantum *octoginta homines in Dominio*. Sed ante ducentefimum annum, cum Edwardus Tertius Rex Angliæ, & Philippus Valefius de summa Imperii Gallici decertarent, à Gallis incensa deflagavit. E cujus statim cineribus, loco commodiore emicuit, quæ nunc cernitur urbecula duobus fluminibus interposita, ædificiorum frequentia & elegantia celebris, civium fortunis, & mercatorum concursu opulenta, duplici fossa, mœnibus validis, crebris interpositis propugnaculis circumsepta, & ad portus tutelam castellum è quadrato saxo firmissimum aggesta in magnam altitudinem mole exurgit, à Richardo Secundo constructum. Memorabile est illud potentissimi Canuti Regis Angliæ, & Daniæ factum, quo assentatorem, qui omnia ad regis vultum, & nutum converti asserebat, hoc in loco repressit. *Sedile suum*, inquit *Huntingdonensis, in litore maris cum ascenderet, statui jussit. Dixit autem mari ascendenti, Tu mea ditionis es, & terra in qua sedeo mea est, nec fuit qui impune meo resisteret imperio. Impero igitur tibi, ne in terram meam ascendas, nec vestes, nec membra dominatoris tui mades facias. Mare vero de more conscendens pedes Regis sine reverentia madesfecit. Ille igitur resiliens, ait: Sciant omnes habitantes orbem, vanam & frivolum regum esse potentiam, nec regius quæpiam nomine dignum præter eum, cujus nutui cælum, terra, & mare legibus obediunt æternis: nec unquam postea coronam sibi imposuit, &c.*

Fluminum illorum, quibus hæc urbecula interponitur occidentale, nunc *Tæst*, olim ut opinamur *Anton*, è *Chute* saltu exorients primum *Andover* adit, Saxonice *Andæapān*, id est, *Andi trajectus*, ubi anno salutis D C C C L X X X I I I Æthelredus Rex Angliæ, cum Dani ejus regnum undique raptarent, ut fessas regiones tuta, & tranquilla pace tandem refoveret, Aulafum Danum in suam familiam adoptione, quæ tamen statim irrita, inseruit; nec enim tantus honor barbari animum à rapinis avocare poterat. Inde haud procul à *Whorwell* defluit, ubi Ælfritha regina monasterium construxit, ut expiaret gravissimum illud scelus, quo tollendo Edwardum Regem privignum nefarie se astrinxit, & etiam cædem mariti sui prioris Athelwoldi Comitis nobilissimi elueret, quem Edgarus Rex huc venandi gratia evocatum transfixit, quod sibi in amatoris consiliis illufisset & hanc ipsam Ælfritham forma ante omnes eo sæculo venustissima malis artibus sibi præripuisset. Postea admissio amniculo à *Wallop* vel rectius *Well-hop*, id est, si ex avita nostra lingua interpretemur, *Fonticulus in latere collis*, unde insigni illi Equestri familiæ de *Wallop*, qui juxta habitat, nomen inditum; *BRIGE*, vel *BRAGE*, vetustum item oppidum ab Antonino ad 1 x à Sorbioduno lapidem collocatum Testus quærit, ad quam distantiam inter Sarisburiam, & Wintoniam *Broughton* viculum rusticum haud procul à sua ripa invenit, qui si *BRAGE* non fuerit, tunc eradicatum credimus, cum omnia hoc in loco complanaret Guilielmus Normannus, ut saltum,

Britannia.

quem dixi, conficeret. *Rumsey* deinde, Saxonice *Rumsey*, *Rumpeg*, ab Eadgaro Rege velatis virginibus, quarum templum adhuc superest, consecratum invisit hic fluvius, & mox in portum Antonensem fertur ad *Arundinis vadum*, quod Beda dixit, & *Redford* interpretatus est; nunc autem à ponte ubi vadum fuit, pro *Redford*, *Redbridge* dicitur, ad quod enascente Anglo-Saxonica Ecclesia monasterium floruit, cujus Abbas Cymberth Arvandi Vectæ Reguli duos fratres puerulos salutari, ut author est Beda, baptismatis aqua perfudit carnificis manum jam jam subituros. Hi enim, cum Cedwalla Saxo Vectam insulam oppugnaret, fuga sibi consulentes *Ad Lapidem* oppidulum delituerunt, donec proditi Cedwallæ jussu interficerentur. Quod fuerit hoc oppidulum ad *Lapidem*, si forte rogites, *Stoneham* dixero, proximum sc. à *Redbridge* viculum; quod pro me ipsa nominis significatio facillime probet. Alterum flumen quod ad Orientalem Southantonis partem effluit *Alre*, dictum videatur, *Alrefford* enim, id est, *Alrei vadum*, mercatorum oppidum dicitur, ad ejus ripam non ita procul à lacu, è quo profluit. Hoc (ut Wintoniensis Regesti antiqui verbis utar) *Religiosus Rex Kinevalc à Birino Pontifice fidei Sacramentis imbutus in Christianæ religionis exordio* (hoc in tractu) *Vventana Dei Ecclesia magna animi largitus est devotione*. Anno salutis M C C X X Godfredus Lucy Episcopus Wintoniensis forum hic innovavit, appellavitque *Novum forum*, fortasse ratione veteris *Alrefford*, quod adjacet. Hoc tamen novum nomen apud populum, penes quem vis est loquendi longe maxima, non diu invaluit. Huic *Tichborn* finitimum est, nec silendum quod *claram & vetustam familiam suo nomine insigniverit*.

Hujus fluminis ripæ Occidentali imponitur clarissima Britannicorum Belgarum civitas, Ptolemæo & Antonino *VENTA BELGARVM*, Venta Belgarum, Britannis etiamnum *Caer Gwent*, Saxonibus olim *Wintancester*, vulgo Latinorum *Wintonia*, nobis hodie *Wintchester*. Non desunt tamen, qui hanc *Simenorum Ventam* asserunt, *Bristoliamque Ventæ Belgarum nomine honestant*; sed nullos fuisse in hac insula *Simenos*, cum ad *Icenos* devenero, docebo. Interea vero si oppida *Ventæ* apud Antoninum adjacentia, velut formicæ semitas alibi quærant, quo conjecturam suam confirment, nihil quicquam invenient.

Ventæ hujus etymum alii à *Vento*, alii à *Vino*, alii à *Wina* Episcopo petunt, qui omnes Bonæ menti litarent. Potior mihi videtur *Lelandi* nostri opinio, qui à *Guin*, sive *Guen* Britannorum, id est, *albo* deduxit, ita ut *Caer Guin*, Albam urbem significet. Et quid non? cum ab albedine prisca Latini *Albam Longam*, & *Albam Regiam* civitates denominarint, Græci itidem *Leucam*, *Leucada*, & alia ab albedine loca nominata habuerint. Hæc etenim *Venta*, uti & alia duæ ejusdem cognominis, *VENTA SILVRVM*, & *VENTA ICENORVM*, in solo ex creta, & argilla albicanti collocatur.

Urbs proculdubio Romanis sæculis insignis, utpote in qua rexrina, sua sacra Imperatores Romani habuisse videntur, cum inter Britannia *VENTAS* facile fuerit primaria, & Italia proxima. In Notitiarum enim libro, Procurator *Cynegium Roman. Imper. in Britannia.* negii in Britannis *VENTENSIS*, sive *BEN-*

O O

TENSIS

Canuti
Regis.

Andover.

Aulafus ab
Ethelredo
adoptatus.

Wallop.
Brige.

Redbridge.

Lib. Mo-
nast. Wa-
verleia.

Tichborn.

Venta Bel-
garum.

Wintche-
ster.

Cynegium
Roman.
Imper. in
Britannia.